



REPUBLIKA E SHQIPËRIE  
MINISTRIA E ARSIMIT  
SPORTIT DHE RINISË

## **Ngritja e kapaciteteve për ndërgjegjësimin dhe edukimin antidoping në shkollë**

2017-02-20 10:44:00



REPUBLIKA E SHQIPËRIE  
MINISTRIA E ARSIMIT  
DHE SPORTIT

Më datë 15/02/2017 në qytetin e Sarandës u zhvillua trajnimi i mësuesve të edukimit fizik, me pjesëmarrje nga Drejtoria Arsimore Rrajonale Gjirokastrë dhe Zyrat Arsimore Sarandë, Delvinë, Përmet, Tepelenë në kuadër të Projektit të miratuar nga Fondi i Eliminimit të Dopingut në Sport të UNESCO-s, i cili titullohet *“Ngritja e kapaciteteve për ndërgjegjësimin dhe edukimin antidoping në shkollë”*.

Seminari i dytë i trajnimit të mësuesve të edukimit fizik u zhvillua në datë 16.02.2017 në qytetin e Vlorës me pjesëmarrje nga Drejtoria Arsimore Rrajonale Vlorë, Fier dhe Zyrat Arsimore Lushnje dhe Mallakastër.

Për realizimin e këtij projekti Ministria e Arsimit dhe Sportit ka bashkëpunuar me Komisionin Kombëtar Shqiptar për UNESCO-n, Komisionin Kombëtar Antidoping, Institutin e Zhvillimit të Arsimit, Universitetin e Sporteve dhe Shoqatën e Edukimit Fizik dhe Sportit Shkollor Tiranë.

Edukimi anti-doping dhe zhvillimi i programeve parandaluese kundër dopingut për të rinjtë është një nga prioritetet e Agjencisë Botërore Antidoping (WADA). Për arritjen e këtij qëllimi, WADA synon një partneritet me Ministrinë e Arsimit dhe Sportit për të integruar edukimin anti-doping në sistemin formal të arsimit, përmes kurrikulës shkollore. Edukimi fizik dhe sporti luan një rol të rëndësishëm në mbrojtjen e shëndetit, në edukimin moral dhe fizik, duke luftuar në këtë mënyrë përdorimin e dopingut dhe substancave që krijojnë varësi, një shqetësim i madh për vendin tonë dhe mbarë botën.

Një vëmendje të veçantë, Programi i Qeverisë i ka kushtuar programeve informuese të edukimit dhe parandalimit të luftës kundër dopingut në sistemin para universitar. Risi e re e këtij programi është tematika: Edukim në shërbim të shëndetit, mirëqenies dhe komunitetit dhe konkretisht Çështja: "Rreziqet nga përdorimi i substancave që krijojnë varësi".

Në kuadër të këtij projekti do të organizohen 8 seminare në rajonet kryesore të vendit dhe do të trajnohen 400 mësues të edukimit fizik, të cilët nga ana e tyre do të trajnojnë mësuesit e edukimit fizik të rajonit të tyre. Të gjithë mësuesit e edukimit fizik do të pajisen me tekstin fizik dhe elektronik *“Manuali i mësuesit”* si dhe me materiale të tjera ndihmëse.

Gjithashtu, në përfundim mësuesit e trajnuar do të pajisen me certifikatë vlerësimi.

[Manuali i mësuesit](#)